

mit gestoffenem Pulffer solle besprengt werden.) hernach aber/ widerumben gestoffen Pulffer darauf gestrewet/ es wird gar bald stainhart/ sicut wie Erz/ so anjeko nunmehr ein geschmelzter Zeug genaht wird/ zum gebrauch aber/ so mag man klein vnd grosse stücklin darauß brechen/ die können hernach in die Schläg der Ragetten oben gelegt / wie nicht weniger auch zu den Regenkuglen vnd anderm Lust-Feurwerck gebraucht werden / im præpariren dieses Zeugs muß man wie vornen gemelt / gar behutsam verfahren / damit vnder wehrendem laborieren, nit etwan ein Funcken vom Kolfeur in die Pfannen oder in den Hasen springe/ vnd der Zeug dardurch entzündt werde/ Es geschihet gar oft/ daß die Erden an den Hasen nit wol gebrent seynd/ daher das Feur durch den Hasen Boden hinein penetrirt, anzündet/ vnd den Menschen übel verbrennet/ welches ich selber gesehen vnd erfahren habe/ In allweg aber / so solle die lincke Hand (. warmit dann die Pfannen gehalten wird.) mit einem dicken ledern Handschuch versehen/ das Angesicht wol auff eine Seiten gewendet / mit der rechten Hand aber stetigs ombgerührt / vnd auff ein mahl nit viel Zeug angesetzt/ wann er nun vnglückhafftiger weiß anfangte zu brinnen / so mag der Hasen oder die Pfannen / vnd also alles mit einander in ein Kuffen mit Wasser geworffen (. welche man jederzeit also zubereitet/ neben disem Kolfeur/ gerüst halten solle.) werden/ damit nicht etwan hier durch ein Zimmer angesteckt / vnd eben auff dise Manier / werden alle geschmelzte Zeug gekocht vnd zubereitet / die Thail aber sollen also verstanden/ daß ein gleiches Maßlin/ allweg abgestrichen voll/ genommen/ vnd der selben theil von jeder Materi so vil / wie oben gemeldt / zusammen gesetzt werden.

Der ander Geschmelzte Zeug.

.1. thail Schwefel. 1. thail Salpeter. 1. thail ganz Pulffer/ in aller gestalt in der messen Leimpfannen auch ob dem Kolfeur verlassen/ ombgerürt/ vnd auff ein Zihndeller zerspraitet / wie hieoben ist angedeut worden / diser hat ein röschern Brand/ vnd mag auch zu den Ragetten vnd Regenkuglen dienen.

Der dritte Geschmelzte Zeug.

.10. Lott Schwefel. 6. Lott Salpeter. 6. Lott gestoffen Pulffer / vorgehörter massen incorporirt, vnd ob dem Feur gearbeitet / diser ist stark / vnd wann er wie grober Sand zerstoffen wird/ so mag er zu den Feurbuhen vnd Sternenseur gebraucht werden.

Der vierdte Geschmelzte Zeug.

.2. Lott Schwefel. 1. Lott galbanum: 1. Lott Salpeter. 1. Lott gestoffen Pulffer/ auch wie hieoben gehört/ ob dem Feur vergehn lassen/ wol gearbeitet/ vnd ombgerührt/ diß ist ein ganz new inventirter geschmelzter Zeug / Sak/ zwar ein träger / aber wol anhaftender Brand / welchen kein Luft außläß